



**Mynediad**

< **Taflen y Tiwtor** >

## Trafod Jig-so

### Perthynas â Chyrsiau CBAC

Cwrs Mynediad CBAC. Bydd yr ymarfer hwn yn addas ar ôl Uned 8.

## Dull

Pastiwch y llun ar ddarn o gerdyn a thorrwch y llun ar hyd y llinellau. Mae chwe darn i gyd. Bydd eisiau dwy set o gardiau os oes hyd at 12 yn y dosbarth a thair set os oes hyd at 18 yn y dosbarth.

Pwrpas y gweithgarwch yw casglu gwybodaeth am y darn cyfan trwy ofyn cwestiynau. Argymhellir defnyddio'r rhain ond mae modd amrywio.

*Beth sy yn y llun?*

*Mae ... yn y llun*

*Mae hanner ... yn y llun*

*Oes ... yn y llun?*

*Oes hanner ... yn y llun*

*Beth mae e'n wneud?*

*Beth mae hi'n wneud?*

*Beth maen nhw'n wneud?*

Dylai pawb grwydro a gofyn cwestiynau i bawb arall. Ni ddylai unrhyw aelod ddangos ei gerdyn i neb arall. Y gamp yw casglu gwybodaeth am yr hyn sydd yn y 5 darn arall trwy drafod a gwneud nodiadau ar ddarn o bapur.

Ar ddiwedd y gweithgarwch, dylai'r tiwtor gasglu'r darnau ynghyd a threfnu i bawb fynd i grwpiau o 3-5. Dylai'r dysgwyr ddefnyddio'r nodiadau i geisio ailgreu'r llun cyfan ar ddarn o bapur trwy drafod. Ar y diwedd, dylid rhoi cyfle iddynt weld y llun gwreiddiol.

Argymhellir sicrhau bod y dosbarth yn gyfarwydd â'r geiriau hyn cyn dechrau:

*cusanu*

*rhedeg*

*mynd â'r ci am dro*

*chwarae pêl-droed*

*gwthio pram*

*reidio beic*

*eistedd ar sofa*

*gyrru car*

*teithio mewn bws*

*yfed cwrw*

# Y BANC

Ymarferion Llafar



Mynediad

< Taflen y Myfyrwyr >

## Trafod Jig-so

